







## Inuit Nunangani Qaujisarnirmu Piliriaksaq (INRP) Kiinaujaqaqtitaunirmu Tunijaujut

Juuni 1, 2021 – Aviktuqsimajunik katujjiqatigiit tisamanik aviktuqsimajunik Inuit Nunangani, ikajuqtaullutik Inuit Tapiriit Kanatamikkunni (ITK), Inuit Ukiuqtaqtumi Katujjiqatigiit (ICC) Kanatami, ammalu Ukiuqtaqtumik Tukisiniaqatigiinik, quviasukput tusaqtittinirmi sivulliqaat 11-ngujut piliriaksaujunik kiinaujaqaqtitaunirmu nutaamit-aaqqiktaujumik Inuit Nunangani Qaujisarnirmu Piliriaksaujumi (INRP). Inuit Nunangani Qaujisarnirmu Piliriaksaq (INRP) sivummuktittijuq Inuit nangminiq piliriaqarumaninginnik qaujisarnitigu saqqittillutik iniksamit inungnu aaqqiksuirnirmi qaujisarnirmu piliriaksaujunik, pivalliatittinirmi ikajuqtigiingujunik ajurunniiqpallianirmu piruqtittinirmi, ammalu sannginiqtaaqtitillutik aktuiningi ammalu pilirittiarnirnginni Inuit Nunangani qaujisarnirmi inungnu turaangajunut. Aulataulluni Inuit Nunataarutinginni Katujjiqatigiingujunik Tisamanik aviktuqsimajunik Inuit Nunanganiingaaqtunik, taanna piliriaksaq sivulliqaangujuq nunarjuami Inungnut-aulataujunit, sivuliqtaulluni, ammalu maligaliuqtaulluni qaujisarnirmu piliriaksaujuq.


“Inungnut-aulataujunit qaujisarniq nunalingnu ikajuutiniaqtuq,” uqaqtuq Carla Pamak, Inuit Qaujisarnirmu Uqaujuqsuiji Nunatsiavummu ammalu Iksivautarijauulluni Ukiuqtaqtumik Tukisiniaqatigiinik Inuit Uqaujuqsuiji Katimaji (IAC), atuliqujlauqtutiglu piliriaksaujunik kiinaujaqaqtitaunirmu.

Inuit Nunangani, Inuit qaujisarnirmu piliriaqarnirmi ilauqatauvalliajut ammalu qaujisarnirmi pilirivalliallutik Inungnu atuutiqaqtunik ammalu sivulliutitaujunik. Inungnut-aulataujunit piliriaksaujut ilaqaqtut qanuinnijut ukuninga pijutiqaqtunik uumajuliriniq, uqausirnik, aanniaqarnanngittulirirnirmi ammalu asingit unuqtunik.

Inuit Uqaujuqsuiji Katimajikkut (IAC) pikkugusukput tamarmi qaujisaqtuijunik ilauqataujunik sivummuktittinirmi qaujisarnirmu pijumaniqaqtunik inungnuungajunik Kanatami. Taanna sivulliqaqaaq pijumaniujuq tuksiqtuutinik unuqtunik pilauqtuq quvvasiktunik-piujunik qaujisarniujunik inungnut pimmaruijunik ammalu Inuit Uqaujuqsuiji Katimajikkut (IAC) takujumavut taklgiaqtaujumik taassuminga piviksaujumik sivunittinni Inuit qaujisaqtiuniaqtunut.

“Pikkunaqput tamarmik kiinaujaqaqtitaunirmu tunijaujut ilisarijaujuq tamatumunga tuksiqtuutitaarniujumu. Sananirijait pivaalliqittijuq uvattinni tamainni quvvariaqtittinirkut Inungnut-aulataujunit atuinnaujunik qaujisarnirmu ammalu ikajuqtutik piuniqsamik isumaliurirnirmi akaunngiliurutinik Inungni aktuijunik.” Uqaqpuq Inuit Tapiriit Kanatamikkunnu (ITK) Angajuqqaq Natan Obed.

Inuit tapiriit kanatami (ITK) pilirianganik uuminga Kanatami Inuit Aujisaqtulirinnikkut Qanuiliurutiksanginnik (NISR) maliksimalluni, una piliriaksaq ikajuqtuisimajuq



Inuit nangminiq pinasungninginnik aqqiksuinasuktillugit matumingalu silaup asinnguqpallianinganu piliriaqaqpalliatillugi Ukiurtaqturmi. Una sivumut pivaallirutiujug Inuit gavamalirijunnarningittigut qaujisaqtulirinikkut, Inungni ilautittiqattarlutik ammalu aqqiksuiqatauvaglutik, ammalu pilirijiqakkannirasunglutik mauna ajurunniiqsarutiqarnikkut ammalu piliriqatiqaqattarnikkut, ammalu piliriqatiqaqattarnirmik atuqpaglutik sanngiktippaallirutiujunnaqtunik aturunnaqtutigullu Inuit Nunangani qaujisaqartarniqmik aulataujunik ammalu piliriangujunut Inungnut.

**Tukisigiakkannirumaguvit, tusarvigiguk:**

Charlee Heath

Ukiuqtaqtumik Tukisiniaqatigiinik Tusaumajjutilirinirmut Tukimuaktittiji

[charlee.heath@uottawa.ca](mailto:charlee.heath@uottawa.ca)

(343) 202-2152

*Inuvialuit Aviktursimanikkut Katujjiqatigiingit, Nunavut Tunngavik Inc., Makivik Kuapuriisan, Kativik Aviktuqsimanikkut Gavamangit, ammalu Nunatsiavut Gavamakkut quviasuktut 11 kiinaujaqtaaqtauninginni piliriaksanut sivulliqpaami arraaguujumik tuksirautinik pijumanikkut makuninga Inuit Nunangani Qaujisarnirmu Piliriaksamut (INRP). Una piliriaksaq ikajuqtausimajuq Inuit Tapiriit Kanatami (ITK), Inuit Ukiuqtaqtumi Katujjiqatigiit (ICC) Kanatami, Ukiuqtaqtumik Tukisiniaqatigiinik, Juunivuusiti Aatuvaami, Juunivuusiti Lavaalmi ammalu Piliriqatigiijutilirijinik Kanatami.*